



Erik Jensen, Inatsisartunut ilaasortaq, Siumut
Inatsisartut@inatsisartut.gl

**Assartuussinermut aningaasartuutit ilaasullu pillugit § 37 naapertorlugu
apeqquteqaammut 2026-119-imut akissut**

Dato: 27-07-2026
Sagsnr.: 2026 - 12981
AKT. ID.: 26644334

Asasara Erik

Inatsisartut suleriaasianni § 37 naapertorlugu assartuussinermut aningaasartuutit
ilaasullu pillugit Naalakkersuisunut apeqquteqaateqarputit. Apeqqutitit uannit
akineqartussatut innersuunneqarput. Apeqqutitit matuma kinguliani ataasiakkaarlugit
allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: 2025-imi timmisartumik ilaallutik nunanut allanut angalasut 2024-imut
sanilliullugit amerlariarsimanerannut kikkut amerlariartitsisuppat? Nunaqavissut
imaluunniit nunatta avataaneersut?**

Akissut: Apeqqutivit akineqarnissaanut Air Greenland akissuteqartinneqarpoq, taannalu
allappoq:

*"Air Greenland taamaallaat nammineq angallavimmini ilaasut pillugit
akissuteqarsinnaavoq. Piffissami pineqartumi ilaasut Kalaallit Nunaanni najugaqartut 2
%-inik amerlisimapput. Ilaasut Danmarkimi najugaqartut 25 %-inik amerlisimapput –
kiisalu ilaasut nunanit allaneersut 9 %-inik amerlisimallutik.*

*Taamaattumik avataaniit ilasartut amerleriaataat, Kalaallit Nunaanniit ilaasartut
amerleriaataannit qaffasinnerupput – ilanngunneqartariaqarporli ilaasut Kalaallit
Nunanni najugaqartut, nunanut allanut angalasartut suli nunanut allanut ilaasartut
amerlanerpaartaattut inissisimmamata."*

**Apeqqut 2: Timmisartumik ilaallutik angalasut amerlanerulersimanerat akit
apparnerannik kinguneqartitsisussaangila?**

Akissut: Apeqqutivit akineqarnissaanut Air Greenland akissuteqartinneqarpoq, taannalu
allappoq:

*"Matuma siuliani saqqummiussat pingaarnertit malillugit tunngaviusumik ilaasunit
amerlanerusut bilitsinut akikinnerusunut akiliisimasinnaapput, aningaasartuutit
aalajangersimasut angalasunut amerlanerusunut agguarneqarsinnaammata, kisiannili
bilitsit akiinut ilaasut amerlassusaat tunngavigineqaannaratik, tunngavissat
amerlanerujussuit apeqqutaasinnaapput.*

*Tunngavissat allat, akinut sunniuteqarsinnaasut tassaapput ikummatissanut
aningaasartuutit, akissarsiat, mittarfinnut akitsuutit, aserfallatsaaliuineq, timmisartuutitut
aningaasalersuineq aamma isumannaallisaanermut avatangiisinullu piumasaqaatit.
Taakkununga aningaasartuutit qaffappata, taakku ilaasut amerlanerulernerini*

pissarsiassanut illuatungiliunneqarsinnaapput. Tamatuma saniatigut pisinnaasat pingaaruteqarput.

Piumasaqarneq pisinnaasanit neqeroorutigineqartunit annertuneruppat, tamanna akit qaffannerinik kinguneqartussaavoq. Taamaattumik niuerfinni minnerusuni, killilimmik unammillerfiusuni ilaasut amerlanerunerat bilitsit akii appanngikkaluarlugit isertitat amerlanerulernerinik kinguneqarsinnaavoq. Tamanna pissutigalugu katitigaanerit ima pisariitsiginngilaq, ilaasut amerlanerulernerat ingerlaannartumik bilitsit akiinik appartitsisinnaanatik. Ilaasut ineriartorneri, aningaasartuutit, pisinnaasat unammilleqatigiinnerlu imminnut naleqqiullutik qanoq ineriartornersut apeqqutaasussaavoq.

Kalaallit Nunaanni niuerfik annikitsunnguuvooq, sumiiffiit isorartupput aammalu ingerlatsinermut aningaasartuutit qaffasipput. Taamaattumik ilaasut amerliartorneri aningaasaqarnermut pitsaanerulersitsissaaq, tamannali bilitsit akikinnerulernissaannut qularnaarisinnaanngilaq. Akit atuutsiinnarnissaannut imaluunniit akinik qaffaanissat killilersimaarnissaannut, tamatumalu peqatigisaanik ingerlatseqatigiiffiup tunisassiorneranut aningaasaliinissamut tunngaviliisinnaapput. Assersuutigalugu Air Greenland 2025-imi amerlalluinnartunik ilaasoqarpoq, kisiannili aningaasartuutit kaaviiartitanit amerlisunit amerlanerusimapput, aammalu oqaluttuarisaaneq eqqarsaatigalugu inernerusut ajornerinik kinguneqarlutik”.

Apeqput 3: Naalakkersuisut isumaqanngillat silaannakkut angalanermi, ingammik nunatta iluani bilitsit akii akisuallaarujussualersut? Apeqputiga 2026/63-mi apeqputiga akineqanngimmat.

Akissut: Nunami namminermi angalanerit ilaqutariit, peqatigiiffiit inuussutissarsiortullu aningaasaqarneranni annertuumik aningaasartuuteqarfiusimasut Naalakkersuisut paasilluarpaat. Nunami nunatsit iluseqartumi nuttarsinnaanerup ataqatigiinnerullu nukittussusiata qulakkeerneqarnissaa suliasaraarput pingaarnerusoq, tamatumunngalu bilitsit akii akornusiisarput.

Taamaattorli erseqqissaatigineqassaaq, bilitsip akiinut nunatsinni silaannakkut angallassinermut, tassungalu ilanngullugu sumiiffiit isortoorsuuneri, inoqarfiit siammasinnerat, silap allanngoriataartarnera aammalu timmisartunik qulimiguulinnillu angallavinni minnerusuni atorineqartunik aningaasartuutikinneruffiusunik pisariaqartitsinermut aningaasartuutiviusut qaffasissorujussuillu tunngavigineqarmata.

Namminersorlutik Oqartussat angallavinni niuernermik tunngaveqanngitsuni akinik appasitsiniarlutik ukiumut kiffartuussinermut isumaqatigiissutit aqutitigalugit annertuunik tapiissuteqartarput. Kisiannili Naalakkersuisut angallavinni niuernermik tunngaveqartuni, timmisartuutileqatigiiffinnit niuernermut atugassarititaasut tunngavigalugit ingerlanneqartuni akinik aalajangersaaneq ajorput.

Taamaattumik Naalakkersuisut mittarfiit ilusiligaanerinik nutarterisarnikkut siunissamut ungasissumut atugassarititaasunik sapinngisamik pitsanngorsaaniarlutik, taamaalillunilu siunissami angallaviit pitsaanerulernissaat, taamaalillunilu ingerlatsinikkut akikinnerulernissaat anguniarlugu aallussipput.

Apeqput 2026/063-imut tunngatillugu akissuteqaat naammattutut isumaqarfiginngikkat ajuusaarutigaarput. Akissuteqaammi matumani, kiisalu apeqput nr. 12-imut

akissuteqaammi Naalakkersuisut nunami namminermi timmisartuussinerni akinik aalajangersaasarnermut isummersuutaat itisiliiffigineqarput.

Apeqquut 4: Mittarfimmut akitsuutit sutigut allannguuteqaramik?

Akissut: Apeqquutivit akineqarnissaanut Air Greenland akissuteqartinneqarpoq, taannalu allappoq:

"Mittarfinnut akitsuutit atugassarititaasullu ingerlatseqatigiiffimmit, Kalaallit Nunaanni mittarfinnik ataasiakkaanik pigisaqartumit ingerlataqartumillu aalajangersarneqartarput. Mittarfinnut akitsuutit timmisartuutiqatigiiffiup Kalaallit Nunaanni mittarfinnut, Greenland Airports-imit pigineqartunut akiligassai Greenland Airports-imit aalajangersarneqartussaapput, aammalu Greenland Airports-ip piginnittuanit akuerineqartussaallutik. Mittarfinnut akitsuusiisarnermut Mittarfeqarfiit A/S pillugu Inatsisartut inatsisaanni nr. 19-imi, 21. novembari 2022-mi § 9 malinneqartussaavoq. Tassani imatut allassimasoqarpoq:

Imm.4. Aallarnermut akigititat, ilaasunut akigititat, isumannaallisaanermut akigititat, uninnganermut akigititat ammatitsinermullu akigititat taakkunanilu allannguutit kiisalu akikilliliissuteqartarnermut akiliuteqartitsisannginnissamullu tungaviit Naalakkersuisunit akuersissutigineqassapput, taamaattorli imm. 6 takujuk.

Imm.6. Pisortanut akitsuutini, akileraarutini akiliutigittinneqartartuniluunniit allannguutit Naalakkersuisut akuersitinnagit akigititanut ilanngunneqarsinnaapput. Akigititat tamatuma saniatigut Kalaallit Nunaanni atuisartunut akigitinneqartunut naleqqersuut malillugu ukiumoortumik iluarsissuteqarfigineqartarsinnaapput Naalakkersuisunut saqqummiussinertaqaanngitsumik.

Greenland Airports-ip mittarfiutaani qulimiguulinnullu mittarfiutaani akitsuutit arlallit assigiinngitsuupput, timmisartuutiqatigiiffiup sullissinernik pisariaqartitanillu sunik kissaateqarnera apeqqutaalluni. Greenland Airports-ip allakkiaani "Akit Akiliisarnertu"-mi akit allattorsimaffiat nassaarineqarsinnaavoq. Allakkiaq Greenland Airports-ip nittartagaani nassaarineqarsinnaavoq.

Ilaasunut akigititat siunnerfigalugit akitsuutit taakku ukiuni kingullerni ineriartorsimanerat takussutissiorneqarpoq, matuma kinguliani tabeli takuuk. Ukiumut agguaqatigiissillugu 2 %-it missaanni qaffaasoqartarsimavoq, qaffaatillu ukiumoortumik atuisunut akinut takussutissiat, Naatsorsueqqissaartarfiimmit nalunaarsorneqarsimasut agguaqatigiissinnerinit appasinnerupput."

Ilaasunut akit (koruunit)		
Ukioq	Qulimiguulinnik angallassineq	Suluusalinnik angallassineq
2021 (1. jan-imiit)	172	282
2022 (1. jan-imiit)	172	282
2023 (1. jan-imiit)	176	289
2024 (1. jan-imiit)	181	297

2025 (1. jan-imiit)	186	305
2026 (1. jan-imiit)	193	316

Apeqquut 5: Mittarfimmut akitsuutit bilitsit akitsornerinut pissutaaqataasimappata, tamatuma qanoq iliuuseqarfiginissaa Naalakkersusiut isumaliutigivaat?

Akissut: Apeqquut 4-mut akissummi tabelimi takuneqarsinnaasutut, ukiuni tallimani kingullerni ilaasunut akit ineriartornerat akit tamarmik ineriartornerat (atuisunut akit) inorlugit annertussuseqarsimapput. Tamatuma saniatigut mittarfinnut akitsuutit bilitsip akiata tamarmiusup ilaannaminiinnanguaraa. Taamaattumik Naalakkersuisut naliliipput, maanna mittarfinnut akitsuutit atuuttut bilitsit akiisa qaffannerinut pingaarnertut peqqutaanngitsut.

Mittarfinnut akitsuutit atorlugit aningaasartuuterpassuit aalajangersimasut, mittarfinni attaveqaasersuutininik ingerlatsinermut, aserfallatsaaliuinerinut qulakkeerinerinullu atatillugu akilerneqartartut matussuserneqartussaapput. Akitsuutit appasitsinneqarpata, amigartoorutit matussuserniarlugit Nunap Karsianiit mittarfiutileqatigiiffimmut tapiissutaasartut qaffanneqartariaqarpud. Ullumikkut Greenland Airports Regional A/S-imut ukiumut 95,4 mio. kr.-nik tapiissuteqartoqartarpoq, akigitat massakkut atuuttut aningaasartuutininik matussusiinngimmata, takuuk konto pingaarneq 72.26.04 Greenland Airports A/S.

Naalakkersuisut akit ilusaat pillugit Greenland Airports A/S-ip qanillugu ingerlaavartumik oqaloqatigineqarnissaa eqqarsaatigaat, nuttarsinnaanerup pitsaanerpaamik taperseerineqarnissaa qulakkeerniarlugu. Kisiannili siunissami akit qaffannissaat pitsaanerpaamik akiorniarlugu, akitsuutit kisimik appartariaqartussaannngillat, kisiannili mittarfiit ilusaat nutaat naammassineqassapput pitsanngorsarneqarlutillu, taamaallillunilu timmisartuutileqatigiiffiit nuna tamakkerlugu timmisartunik aningaasartuutikiffiusunik atuisinnaanissamut periaffissinneqassallutik.

Apeqquut 6: Angalasut ornitaminukartillutik aqqutaani allamut aqqusaartariaqartarnerminni (mellemlanding) mittarfimmut akitsuutinut immikkut qaavatigut aningaasartuuteqartariaqartarnerat Naalakkersuisut qanoq nalilerpaat?

Akissut: Apeqquutivit akineqarnissaanut Air Greenland akissuteqartinneqarpoq, taannalu allappoq:

"Kalaallit Nunaanni silaannakkut angallassinermi mittarfiit pilersinneqarmatali, nuna tamakkerlugu silaannakkut angallassineq ingerlatiinnarniarlugu nunani tamalaani imaluunniit nunami namminermi angallanneq apeqquutaatinnagu akunniffiusumik timmisartuussisoqartarsimavoq. Mittarfiit amerlanerusut mittarfinnut akitsuutininik amerlanerusunik isumaqarpud, taamaattumillu angalanermi mittarfiit arlallit angalanermi tamarmiusumi aqqusaarneqartartussaapput. Soorunami tamatuma kingunerisaanik mittarfeqarfinnik arlalinnik taakkunanilu sullissinernik atuinermut aningaasartuutit amerlanerusarput."

Tamatuma saniatigut Air Greenland A/S-ip akissutaasut Greenland Airports A/S tapiussitinneqarpoq, taannalu allappoq:

"Greenland Airports-ip mittarfiutaani qulimiguulinnullu mittarfiutaani akitsuutit arlallit assigiinngitsuupput, timmisartuutileqatigiiffiup sullissinernik pisariaqartitanillu sunik kissaateqarnera apeqqutaalluni. Greenland Airports-ip allakkiaani "Akit Akiliisarnierlu"-mi akit allattorsimaffiat nassaarineqarsinnaavoq. Allakkiaq Greenland Airports-ip nittartagaani nassaarineqarsinnaavoq.

Greenland Airports-ip akinut allattuiffiani allassimavoq, "Ilaasunut nunami namminermi angallavinni aqqusaartunut, arlaleriarlutik mittussanut taamaallaat mittarfimmut ilaasup aallarfanut ilaasumut akiliuteqartitsisoqassaaq. Kisiannili Nunami namminermi angallavinni arlaleriarluni minnermi timmisartumut allamut nuuttoqassappat, timmisartumut nuuffissamut allamut tamatumalu kingorna nuuffiusussamut ilaasunut akiliummik nutaamik akiliisitsisoqassaaq. Ilaasoq akunnittoq tassaavoq ilaasoq, mittarfimmut/qulimiguulimmut mittarfimmut pineqartumut tikittoq, aammalu timmisartoq ilaaffigisani angallaviup normoqataanik normoqartoq atorlugu aallartoq."

Taamaattumik Greenland Airports-imiit ilisimatitsissutigineqarsinnaavoq, nunami namminermi akunnilluni minnermi angalasoq akunnissimappat mittarfimmut akitsuummik saniatigut akiliisitsisoqartanngimmat. Tamatuma peqatigisaanik Greenland Airports-imiit ilisimatitsissutigineqarsinnaavoq, bilitsinut akit timmisartuutileqatigiiffimmit aalajangersarneqartarmata. Bilitsit akii immikkoortut assigiinngitsut arlallit tunngavigalugit aalajangersarneqartartut, tassanilu mittarfinnut akitsuut annikitsuinnaasoq Greenland Airports-ip ilisimavaa."

Assartuussinnermut akit, assersuutigalugu mittarfinnut akitsuutit kingunerisaannik qaffasinnerat innuttaasunut akornutaasinnaammata Naalakkersuisut tamakkiisumik taperserpaat. Kisiannili tamatuma peqatigisaanik Naalakkersuisut naliliinerat malillugu matuma siuliani taaneqartut pissusiviusunik, mittarfinnut akitsuutit pisariaqarnerat pillugu nassuiaateqarfiusunik tunngaveqarput. Pisut ilaanni ilaasunik, kiisalu atortunik isumaginninneq, mittarfinnut akitsuutinik allanik pisariaqalersitsiffiusinnaammat akitsuutit pisariaqarput. Tamatumunnga atatillugu erseqqissaatigineqartariaqarpoq, akunnilluni minnermi tamatigut saniatigut akitsuutinik akiliisitsisoqarneq ajormat.

Apeqqut 7: Timersornermut Naalakkersuisup timersortartut angalanermut aningaasartuutaat pillugit Air Greenlandimik oqaloqateqarnissaminik neriorsuutini sooruna suli piviusunngortinngikkaa?

Akissut: Apeqqutivit akineqarnissaanut Ilinniartitaanermut, Kultureqarnermut, Timersornermut Ilageeqarnermullu Naalakkersuisoq akissuteqartinneqarpoq, taassumalu ilisimatitsissutigaa:

"Naalakkersuisup suli aningaasaqarnermut sinaakkusiussat iluanni aaqqiissutissanik, atuinermik aammalu timersortartut atugaannik pitsaanerulersitsisinnaasunik misissuilluni sulissutigaa. Naalakkersuisoq naliliivoq, timersornermi ataatsimut pisariaqartitat periarfissallu misissoqqaarnissaat pingaaruteqartoq, tamatuma kingorna Air Greenlandip oqaloqatigineqarnerani timersortartut angalanerannut atugassarititaasut pitsaanerulernissaannut siunnersuutit aalajangersimasut tunngavilersorluakkallu aallaavigineqarsinnaaniassammata. Kiisalu § 37 naapertorlugu apeqqummut nr. 2026/063-imut akissuteqaat innersuunneqarpoq."

Apeqqut 8: Air Greenlandi 2023-imi timersorneq kulturilerinerlu aqqutigalugit angalasuniit qanoq annertutigisumik isertitaqarsimava?

Akissut: Apeqquutivit akineqarnissaanut Air Greenland akissuteqartinneqarpoq, taannalu allappoq:

"Air Greenlandip tunisassiaani llik-mi timersortartut kulturilerisullu siunnerfigineqarput, taakkulu angallavinni inissaqarfiusuni angalanerinit 75 %-it tikillugit tapiisoqarsinnaavoq, piffissaq aallarfiissaq, aammalu angalanissap Air Greenland aamma Greenland Travel suleqatigalugit qanoq siusitsigisumik pilersaarusiorneqarnera apeqqutaatillugit.

2023-mi ilaasut 12.096-it llik-mut aaqqissuussineq atorlugu angalapput, akikillisaatit katillugit 6,56 mio. koruuniullutik.

2024-mi ilaasut 15.266-it llik-mut aaqqissuussineq atorlugu angalapput, akikillisaatit katillugit 11,16 mio. koruuniullutik.

2025-mi ilaasut 13.736-t llik-mut aaqqissuussineq atorlugu angalapput, akikillisaatit katillugit 13,53 mio. koruuniullutik.

Air Greenlandip ullumikkut ilaasut timersortartunut, kulturilerisunut atuarfinnullu immikkoortiterneq ajorpai, taamaattumillu siunertanut ataasiakkaanut atatillugu isertitat naatsorsorneqarsinnaanngillat. Ornigassat, bilitsit akii piffissallu inniminniiffiusut allanngoragaatsiarsinnaammata, aamma llik-mut aaqqissuussinermut atatillugu isertitat amerlassusii tamakkiisut oqaatigineqarsinnaanngillat.

Kisiannili Air Greenlandip llik atorlugu angalasunik sukumiinerusumik immikkoortiterisalnissaq sulissutigaa, siunissami aaqqissuussinerup atorneqarnera pillugu nalunaarusiortalernissaq uppersaarsiortalernissarlu siunertaralugu."

Apeqquut 9: Air Greenlandi 2025-imi timersorneq kulturilerinerlu aqutigalugit angalasuniit qanoq annertutigisumik isertitaqarsimava?

Akissut: Apeqquut nr. 8-mut akissut takuuk.

Apeqquut 10: Timersoqatigiit Kattuffiata taassumalu ataani kattuffiit (specialforbund) silaannakkut angalanermut 2025-imi aningaasartuutaat 2023-imut sanilliullugit qanoq nikingatigippat?

Akissut: Naalakkersuisut Kalaallit Nunaanni Timersoqatigiit Kattuffiata imaluunniit kattuffiit immikkut ittut ataasiakkaat angalanermut aningaasartuutaannut naatsorsuutinit paasissutissiisutit sukumiisut piginngilaat, kattuffiit aaqqissuussaammata imminnut ingerlattut.

Matumanili Air Greenlandip "llik pillugu aaqqissuussinerani" akikillisaatini kisitsisit pingaarnert, apeqquut 8-p ataani akissutigineqartut innersuussutigineqarput. Kisitsisini taakkunani angalasut tamarmiusut amerleriaataat, aammalu 2023-miit 2025-mut kulturilerisunut timersortartunullu akikillisaatit tapiissutigineqartut tamarmiusut.

Kattuffiit namminneerlutik ukiuni pineqartuni timmisartunik angalanernut naatsorsuutaat eqqornerusut pissarsiariniarlugit, Kalaallit Nunaanni Timersoqatigiit Kattuffiannut toqqaannartumik saaffigininnissaq innersuussutigineqartariaqarpoq.

Apeqquut 11: Nuup avataani kulturikkut aaqqissuussanut angalanernut aningaasartuutit qaffarujussuarsimanerannut orsussap qanoq annertutigisumik akitsorsimanera Naalakkersuisut uppersarsinnaavaat? Orsussap piffissami qaffakkiartorfia nassuiaqquneqarpoq.

Akissut: Apeqquutivit akineqarnissaanut Greenland Airports akissuteqartinneqarpoq, taannalu allappoq:

" Greenland Airports-imiit ilisimatitsissutigineqarsinnaavoq, bilitsinut akit timmisartuutileqatigiiffimmit aalajangersarneqartarmata. Bilitsit akii immikkoortut assigiinngitsut arlallit tunngavigalugit aalajangersarneqartartut, tassanilu ikummatissap akia annikitsuinnaasoq Greenland Airports-ip ilisimavaa. Greenland Airports-ip angalanernut aningaasartuutit ineriartorneranni qanoq annertutigisoq ikummatissat akiisa allanngornerinut innersuussutigineqarsinnaanersoq naatsorsorsinnaanngilaa.

Greenland Airports Kalaallit Nunaat tamakkerlugu ikummatissamik Polar Oil-imiit pisisarpoq, tassani taamaallaat Kangerlussuaq, AirBP-mik pisiffiusartoq pinnagu. Greenland Airports-ip Polar Oil-ip akigititai malittarpai. Greenland Airports Polar Oil-imut ukiumut timmisartut ikummatissaannik aalajangersimasunik annertussusilinnik, isumaqatigiissutigineqartunik akeqartinneqartunik pilersorneqarnissamut isumaqatigiissuteqarpoq. Atukkami tamarmiusumi annertussusissatut isumaqatigiissutigineqartoq sinnerneqarpat, sinniutaasoq piffissami atuuttumi niuernermi akigititaasut atorlugit nunani tamalaani niuerfinni pisiarineqartussaavoq. Greenland Airports maannamut ukiumut annertussusissatut isumaqatigiissutaasoq sinnerlugu sulitunisisimannngilaq, aammalu maannarpiq tamatuma 2026-mi pinissaa naatsorsuutigineqanngilaq.

Kalaallit Nunaanni Nuup avataani kulturikkut aqqissuussinernut ikummatissap akia pillugu apeqquutinnut atatillugu, ukiuni tallimani kingullerni timmisartunut ikummatissat akiisa ineriartorneri paasisutissiissutigineqarput. Allattukkani saqqummiunneqartuni Greenland Airports-ip pisortatigoortumik tunisinermut akigititai atorineqarput.

Ikummatissat akii	
Ukioq	Literimut akit
2021 (1. jan-imiit)	10,14
2022 (1. jan-imiit)	10,14
2023 (1. jan-imiit)	10,14
2024 (1. jan-imiit)	10,74
2025 (1. jan-imiit)	11,74
2026 (1. jan-imiit)	11,74

Ukiuhoortumik qaffaatit agguaqatigiissillugit 3 %-iusarsimapput. Greenland Airports-imiit maluginiarneqarpoq, ikummatissanut akit ukiut ilaanni arlalinni allanngorsimannngitsut, aammalu ukiuhoortumik atuissunut akit agguaqatigiissinneri, Naatsorsueqqissaartarfiimmit nalunaarsorneqartut inorlugit annertussuseqarsimasut."

Greenland Airports A/S-ip matuma siuliani akissutaata saniatigut, Naalakkersuisut kulturikkut aqqissuussinernut atatillugu angalanermut aningaasartuutinit qanoq annertutigisut ikummatissat akiinut qaffakkiartortunut tunngasuunersut pillugu uppersaatissanik pigisaqanngillat.

**Apequt 12: Nuummiit Københavnimut angalanerup nunatta iluani angalanermit
ilaatigut akikinnerusarnera, nunatsinni innuttaasut eqqarsaatigalugit
Naalakkersuisut naapertuilluarnertut isigivaat?**

Akissut: Nunami namminermit angalanerit sivikitsut ilaanneeriarlutik Nuummiit Københavnimut timmisartuunneqarnerit nunami namminermit timmisartuunneqarnerit akisunerusinnaasarmata, tamatuma naapertuutinningsutut misigineqartarnerannut Naalakkersuisut paasinnilluarput. Erseqqissaatigineqassaaq angallaviit niuernermit tunngaveqartut aamma angallaviit kiffartuunneqarnissamik isumaqatigiissuteqarfiusut assigiinngitsuummata, taakkulu peqqutit uku peqqutaallutik imminnut assersuunneqarsinnaanngimmata.

Angallavik Nuuk – København niuernermit tunngaveqarluni ingerlanneqarpoq, tassani timmisartut angisuut amerlasuunik ilaasoqarsinnaasut ikummatissamillu atuinnginnerusut, taamaalillunilu issiavimmut ataatsimut annertungaatsiartumik aningaasartuuteqarfiusut atorlugit timmisartuussisoqartarmat. Naalakkersuisut angallavinnut niuernermit tunngaveqartunut bilitsinut akit pillugit maleruagassiuussisannigillat aalajangersaasaratilluunniit.

Kisiannili nunami namminermit pingaartumik isorliunerusunut inoqarfinnullu minnerusunut timmisartuussiviit ilaasuunik angallassinermi kiffartuunneqarnissamik isumaqatigiissutinut ilaatinneqarput. Assartuussinissamut periarfissaqarnissaq qulakkeerniarlugu Nunap Karsia tapiissuteqartarpoq. Taamaakkaluartoq angallaviit aningaasartuuteqarfiusorujussuupput. Innuttaasut sumiiffimmi annertoorsuarmi siaruarsimapput, tassani qulimiguullit timmisartullu mikisut, timmisartunut angisuunut naleqqiullutik ataasiakkaanut qaffasissorujussuarnik aningaasartuuteqarfiusut angallavinni ataqatigiinni amerlasuuni angalasut atorneqartariaqarlutik. Nunami namminermit angallanneq silamit sunnertiasorujussuuvoq, tamatumalu nassataanik ilaasut ingerlaqqissinnaanngitsut najugaqarnerinut, aammalu ingerlatsinermut aserfallatsaaliuinemullu aningaasartuuterpassuit atorneqartarput.

Naalakkersuisut attaveqaasersuutini pitsanngorsaaneq sulissutiguarpaat. Nuummi Qaqortumilu mittarfiit nutaat atorneqalereerput, kiisalu Ilulissani mittarfik nutaaq 2026-mi ukiakkut atoqqaarfissiorneqassaaq. Mittarfiit pingasuusut taakku saniatigut Tunumi, Qeqertarsuup Tunuani aamma Kalaallit Nunaata kujataani nunap immikkoortuini nutaanik mittarfiliornissat suliareqarnerat ingerlateqqinneqarpoq. Suliat taakku misissueqqaarnermiupput. Angallavinnik pitsaasuunik, nuna tamakkerlugu ataqatigiinnerup pitsaanerulernissaanik anguniagaqarfiusunik pilersitsinissaq siunertarineqarpoq, tassungalu aamma aningaasaqarnikkut ataqatigiinnissat ilaatinneqarpoq.

Attaveqaasersuutitik pitsanngorsaaniarluni suliniutit ingerlanneqaraluartut, nunap ilusia innuttaasullu siammasinnerat peqqutaallutik nunami namminermi aammalu nunani tamalaani angallaviit akii assigiinngittuaannarnissaat ilimanarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Iddimangiu Jensen Bianco